

呂祖全書

卷

二十六
二十七

葫頭集
雜詠

呂祖全書卷二十六

目錄

葫頭集下

漁舟

示止源

寒暮

止源求詩咏此壽意

仙况二首

還丹奧法

坐臥

示通源

幽况

示引源

示位源

示淵源

示全真守斗三首

示津源

題像二首

偶吟二首

山僧

廣莫

枕石

偶吟二首

題像五首

偶吟二首

絕句二首

仙術

金丹

清溪

兩丸

醉仙詞

偶作

疇昔辭

戲作道情詞

示津源

書野韻於燕山駐雲堂調山花子

道情曲

義陵 漁樂曲

劉體恕景輝

男劉蔭誠清惠

全校

鏡源跋

姪劉允誠濤虛

止源跋

沙羨一行子黃誠恕叅訂

胡致集下

五七言律絕
雜體詞曲

漁舟

以下五言律

富春人不見款乃度前川
短棹穿波封長風破水天歌

功名客曾知秋水篇

示止源

呂祖全書卷二十六

義陵無我子劉體恕彙輯

男劉蔭誠清惠

全校

姪劉允誠清虛

沙羨一行子黃誠恕叅訂

葫頭集下

五七言律絕
雜體詞曲

漁舟 以下五言律

富春人不見。款乃度前川。短棹穿波月。長風破水天。歌
邀鷗共唱。醉擁鷺同眠。借問功名客。曾知秋水篇。

示止源

泐月懸波碧。瑤琴落鳳聲。丹歸南嶺雪。鶴到上林鳴。靜裏天原大。閒中性自清。蜉蝣何足惜。石已是三生。

寒暮

以下七言律

萬里晴空魄正圓。隔簾燈影鬪嬋娟。聲聲棲鵲千年樹。點點歸鳥一抹天。剪剩寒光雲出岫。蕩殘晚色水生烟。乘鸞此際來壇語。極目乾坤一縷禪。

止源求詩咏此壽意

山老雲輕幾代秋。白頭仙跡永悠悠。誰將玉詔傳位鶴。我爲金書跨碧牛。長嘯一聲天地大。狂歌九極鳳凰遊。

壺中說有綿綿界。欲子偕吾遍十洲。

仙况二首

山骨嶙峋月蕊飛。伯齊休採紫雲薇。玉臺一弄佐黃韻。
金闕三敲太上闈。道裏烟光吹九極。袖中蟾氣放千輝。
遙梅肯贈於今夢。落得青霞補絳衣。

其二

萬山招隱片霞孤。雙鯉沙前酒一壺。峰插破雲天補色。
月妝新黛水描圖。爛柯堪老多棋癖。滌器奚童勝酒徒。
三楚六朝何所惜。好來溪上伴鶉鴝。

還丹奧法

第四句
借韻

玉雪宜人鳳鼎清。黃芽初秀月初明。雲烟遠上三千閣。
龍虎高聞九品經。姹女多情頻醉鶴。嬰兒無語怯啼鶯。
醞酬既旨花休笑。放浪爐頭聽汞鳴。

坐臥

坐臥忘機劍影孤。靈元一點合丹爐。乾坤有象書千卷。
歲月無知酒半蘆。唐世烟霞凝漢洞。秦家桃李映蒼梧。
浮生解此毫端意。歸去來兮大丈夫。

示通源

瓔珞蓮花法雨香。漫尋三昧放毫光。廣長舌上生圓覺。
清淨身中作會場。寶鏡欲飛西土月。石幢猶撼北臺霜。
勸君叅透菩提路。摩頂皈依我法王。

幽况

山高不礙白雲深。長嘯歸來和鳥音。日暮天空聞遠磬。
月明松響聽遙琴。苔茵雨過春新了。桃李花飛色不禁。
三輔五陵誰有夢。野人行樂只山林。

示引源

十年精進甕中天。今日醋心始合緣。月鉅釣君離苦海。

道機撥爾入微位。築基好盡三三法。煉己還宜九九先。
夢覺羲皇西水碧。歸來滿目是銀蟾。

示位源

空林皓月拂松蘿。崦外泉聲和鳥歌。三十年間清靜法。
九千里外有無河。位關未破神先壯。紫闕初開氣自和。
但得重樓蟾脫殼。始知靈谷轉輕波。

示淵源

肩橫一劍醉斜陽。笑指天低水未長。甲子不言方是覺。

庚申既吾始知香烟雲拂地千年藥嬰姪窺爐萬載昌

饒舌夜深題數語。囑君入夢自思量。

示全真守斗三首

深山清靜總枯禪。龍虎關頭始是緣。明月照人白雪固。
黃芽入鼎紫霞堅。默存我氣雲中劍。淡悟位風水底天。
遙指池臺生法相。桔槔汲透井華泉。

又

龍虎關頭靜裏爲。枯禪無說却何之。桔槔本是身中汲。
乾坎還從心內施。滴滴醍醐搖玉液。涓涓雨露灑金枝。
雖然清靜成位訣。只恐工夫下手遲。

又

心口原因我有身。無身心口總非真。若云心口能成道。
豈說乾坤自合神。明月眼前渾是舊。曉風林外忽然新。
皮毛謝却靈根在。始悟桃花解醉人。

示津源

以下五言絕

靜嘯非關動。閒吟自合仙。淡烟凝碧漢。新雨鎖明川。

題像二首

揮塵談天地。憑虛識古今。一聲長嘯後。烟水滿胸襟。

又

我有松風賣。世人買得無。黃金三萬兩。與爾一胡蘆。

偶吟二首

開落花前夢。真空物外情。雲衣風捲碎。月扇水搖清。

又

今古山河地。裝成一線圖。浩然三界外。四大敢拘吾。

山僧

明月高藜杖。清風冷衲衣。竹深廬不見。獨自引雲歸。

廣莫

廣莫春千丈。忘機鳥自棲。人間桃李樹。一任燕鶯啼。

枕石 以下七言絕

松風醉耳兩忘機，琢得雲根僅半圍。
高臥不知塵世熱，醒來冷眼看花飛。

偶吟二首

拾得乾坤一袖裝，裁成詩料付奚囊。
方才敲罷三千字，透出森羅萬象光。

又

屈指臨風且慢思，昨宵今日總無知。
邯鄲一覺誰先醒，

謝得黃鸝叫綠枝。

天龍題像五首

草衣木食洞天春。古劍橫肩鍊素神。一箇純陽猶自幻。
霜毫化作萬千人。

又

不朝金闕不安爐。冷坐烟雲入畫圖。昨夜颺風翻北斗。
還丹應自轉工夫。

又

放出葫蘆太極光。雲團劍影剖陰陽。靈臺已結三三藥。
透破泥丸遶帝鄉。